

seu alicujus personæ in dignitate Ecclesiastica constituta, & coram Notario laico, & duobus, vel tribus testibus etiam laicis, & in Romana Curia, & alias ubique locorum transferre, ita quod dicti pro tempore existentes Romani Pontifices, & personæ in dignitate ecclesiastica constitutæ illas pensiones, ac dictorum fructuum, reddituum, & proventuum reservationes, & assignationes cassare penitus, & extinguere, ac illarum, & illorum loco etiam, seu alias cassata, seu cassatarum similes pensiones, ac eisdem fructus, redditus, & proventus, quorum reservationes, & assignationes sic cassata, & extinctæ forent cum omnibus, & singulis Indultis, clausulis, obligationibus, & Decretis, quibus prius reservata, & assignata erant, alias juxta illarum, & illorum reservationum, Constitutionum, concessionum, & assignationum formam, & tenorem, etiam absque consensu dictas pensiones solvere debentium, ac Ecclesiarum Cathedralium, & Metropolitanarum, & Patriarchalium prædictarum Præsulum pro tempore existentium, nec non Monasteria, aliaque beneficia prædicta, super quorum fructibus, redditibus, & proventibus, dictæ pensiones, & quorum fructus, redditus, & proventus hujusmodi sic reservata, & assignati forent in titulum, vel commendam, aut alias quomodolibet pro tempore obtinentium, aliorumque desuper quocumque Jure, interesse habentium hujusmodi Clericis dicta auctoritate reservare, constituere, ac concedere, & assignare libere, & licite possent, & valerent. Præterea etiam ejusdem mentis, & intentionis nostræ fuisse, & esse, derogavisse, & derogare pia memoria Pii Papæ IV. etiam nostri Prædecessoris contra Prælatos, & alias personas in eorum Ecclesiis, seu Beneficiis non residentes, & extra eorum residentiam pro tempore decedentes, & quorumcumque aliorum Romanorum Pontificum Prædecessorum nostrorum omnibus, & singulis Apostolicis Constitutionibus, & Ordinationibus, nec non de præstando consensu in Pensionibus, aliisque Cancellariæ Apostolicæ Regulis, etiam editis, & edendis contra prædicta, vel eorum aliqua facientibus, aliaque nonnulla indulsumus, declaravimus, extendimus, & ampliavimus, ac novissime per reliquas nostras literas alia sexaginta officia Militum Lauretanorum hujusmodi perpetuo ereximus, & instituimus, dictoque Collegio aggregavimus, sed & facultatem transferendi pensiones, seu fructus sibi reservatos prædictis Militibus Clericis, ut præfertur concessam, etiam ad Milites Laicos, vel Clericos, & conjugatos, & quo ad prædia, seu bona loco pensionum assignata extendimus. Ac tempus triennii, intra quod officia Militum prædictorum per obitum vacare nequeant, non a data erectionis ipsius Collegii, sed a die factæ cuique eorum concessionis officii currere declaravimus. Demum certos ipsius Datarie redditus Collegio Militum hujusmodi spe-

Derogatione quoque Constitutionum Apostolicarum, quæ hujusmodi concessionibus obstat possent.

His autem officiis alia similia 60. ad juncta.

cialiter obligavimus, & assignavimus, aucto reddito, & dote pro rata dictorum sexaginta officiorum in aliis duobus millibus, & quadringentis scutis annuis, quæ una cum prioribus octomillibus scutis in unam massam congesta essent, prout in nostris desuper confectis literis latius continetur.

§.2. Cum autem sicut nuper accepimus post concessionem omnium hujusmodi officiorum, quæ, ut præfertur instituta habituris communicamus, eosque participes efficiamus, decernimus, & declaramus, ac ulterius eisdem Milites, ac in hujusmodi officiis eorum pro tempore futuros Successores amplioribus adhuc favoribus, & gratiis prosequentes, motu, scientia, ac potestatis plenitudine similibus volumus, ac eis perpetuo harum serie indulgemus, ut facultas transferendi pensiones, seu fructus, redditus, proventus, aut bona, prædiave ecclesiastica prædicta eorum cuique pro tempore assignatos, seu reservatos, aut reservata usque ad summas, quantitates, & valores superius descriptos eis, ut præfertur alias per nos concessa non solum ad transferendum in favorem Clericorum non conjugatorum, prout in aliis prædictis nostris literis expressum fuit, sed etiam ad transferendum in favorem Clericorum non conjugatorum, vel laicorum etiam conjugatorum, qui tamen Translatarii vel ipsi quoque Milites Lauretani existant, vel alias a Sede Apostolica sufficientem dispensationem obtineant, eis, & eorum cuique perpetuo suffragetur.

§.3. Nec non tam prædictum, quam etiam aliud privilegium, & Indultum fructus, redditus, & proventus, aut prædia, bonaque Ecclesiastica hujusmodi recipiendi, aut retinendi, seu etiam transferendi pensiones Militibus Laicis, seu Clericis conjugatis, si post reservationes prædictas matrimonium contraxerint, alias, ut supra dictum est, concessum, & ad Milites Lauretanos Bigamos, qui scilicet cum duobus, tribus, aut pluribus Virginitibus, vel Viduis, aut aliis corruptis Mulieribus, etiam successive pluries matrimonia contraxerint, motu, scientia, & potestatis plenitudine similibus extendimus, & ampliavimus, ac cum hujusmodi Militibus Lauretanis sic, ut præfertur bigamis, & eorum quolibet etiam duplici, triplici, aut alia quavis multiplici, & vera, ac reali bigamia notatis nunc, & pro tempore existentibus, ut etiam si ante, vel post factas, eorum cuique prædictarum pensionum, aut fructuum, reddituum, proventuum, seu honorum, aut prædiorum ecclesiasticorum reservationes, & assignationes cum duobus, tribus, vel pluribus virginitibus, aut viduis, aut aliis mulieribus pluries matrimonia contraxerint, nihilominus, etiam absque alia a Nobis, vel pro tempore existente Romano Pontifice particulari obtinenda licentia, aut dispensatione, pensiones, aut fructus, redditus, proventus, prædiave, aut bona Ecclesiastica supradicta eis, & eorum cuilibet reservari, & in eorum

Ampliat Privilegiu transferendi Pensiones etiam favore Laicorum.

Nec non Bigamorum.

rum favore vigore privilegiorum prædictorum transferri, & ipsi quoque vigore eorundem privilegiorum easdem pensiones, fructus, redditus, proventus, prædia, aut bona ecclesiastica percipere, exigere, & in suos usus, & utilitatem convertere, ac in alias quascumque personas per se, seu vigore similis Indulti, aut dispensationis capaces, quancumque etiam in mortis articulo transferre, acsi interim, & pluries successive matrimonia cum virginitibus, aut viduis, vel aliis mulieribus contraxerint, nihilominus easdem pensiones, fructus, redditus, proventus, prædia, & bona ecclesiastica retinere, ut prius, & percipere, bigamia hujusmodi etiam multiplici, & quancumque inhabilitate, & incapacitate inde resultante, & quibusvis aliis contrariis nequaquam obstantibus libere, & licite valeant, gratiose dispensamus.

Decernit per quancumque Bigamiam concessa privilegia non amitti

§.4. Decernentes per quancumque bigamiam, etiam multiplicem supervenientem, privilegia prædicta eis, ut præfertur concessa, ac reservationes eis factas, vel facultates transferendi, aut translationes ab aliis in eorum favorem faciendas, recipiendi, nullo modo expirare, cessare, aut cassatas, vel extinctas fore, aut dici, vel censeri posse, declarantesque etiam quascumque pensiones, aut fructus Ecclesiasticos, aliaque prædicta etiam alias non semel tantum, sed sæpius vigore quancumque facultatum, aut privilegiorum quibusvis personis in genere, vel in specie quomodolibet concessorum translata, & translatos nihilominus de novo per ipsos Lauretanos Milites in vim prædictorum privilegiorum facultatum, & indultorum in alias personas eis beneficatas, ut dictum est, transferri posse, ac ea, quæ prædictis nostris literis continentur, de novo concessa, ampliata, extensa, & declarata privilegia, gratias, indulta, & dispensationes non solum quadraginta sic per easdem præfentes erectis, sed aliis ducentis, & sexaginta prioribus Militum Lauretanorum officiis, atque adeo Collegio universo, & cuilibet ex his quadraginta novis, & aliis ducentis, & sexaginta prioribus Militibus, nunc, & pro tempore existentibus, ipsaque officia obtinentibus, & obtenturis ex nunc perpetuo suffragari, ejusdem substantiæ, roboris, validitatis, & efficacitæ existere, acsi ab initio in primæ erectione, & foundatione per Consistorium de consilio, & assensu S. R. E. Cardinalium prædictorum concessa, & in prioribus nostris literis inserta, expressa, & contenta fuissent.

Novis Militibus nova stipendia assignat.

§.5. Quoniam vero a primis ducentis Militibus Lauretanis, non tantum uti in nostris tunc expressum fuit centum, seu centum, & quatuor millia scuta auri in auro, & a posterioribus sexaginta Militibus non tantum triginta millia, uti pariter in aliis literis expressum fuit, sed illa etiam mille, & ducenta scuta similia realiter pro nostra, & Sedis Apostolicæ subventionem per soluta fuerint, motu, scientia, & potestatis plenitudine prædictis decernimus,

& declaramus, cautelas, obligationes, & hypothecas rerum, bonorum, jurium, proventuum, & emolumentorum Camere Apostolicæ, ac officii Datarie nostræ alias in eorum favorem factas non solum pro supradictis, sed pro iis quoque, quas nunc expressimus summis, & quantitatibus locum habere, & valere, suosque effectus, robur, & vires obtinere debere, perinde acsi hoc quoque in aliis supradictis nostris literis in specie narratum, & explicatum fuisset. Cumque etiam infra scripti quadraginta Milites, viginti millia, & octingenta scuta auri in auro pro nostra, & S. R. E. necessitatibus sublevandis, & pro infra scriptorum eis assignatorum proventuum pretio, seu recompensa de propriis eorum pecuniis obtulerint in pecunia numerata, & Nobis cum effectu persolvere intendant, & sicuti nuper, ut dictum est, primis ducentis Militibus ex redditibus Datarie nostræ, quos in favorem ipsorum obligavimus, introitum annuum prædictum octomillium scutorum de, & super compositionibus dispensationum matrimonialium; Deinde vero aliis sexaginta Militum Lauretanorum officiis, alium introitum duorum millium, & quadringentorum scutorum annuorum super certis aliis tunc expressis compositionibus Nobis pro eorundem Militum Lauretanorum Collegio, ultra id quod antea solvi consueverat, a personis dispensationes, & gratias inibi specificatas impetrantibus sponte oblatum post factam hujusmodi erectionem, ne ipsi Datarie nostræ redditus aliqua ex parte minuerentur, aut Camera Apostolica aliquid damni inde sentiret, seorsum, & ad partem applicavimus, & assignavimus. Ita etiam nunc equitati conveniat quadraginta aliorum Militum vitæ, adjumento, & indemnitatibus taliter consulere, quod ex bono, & charitativo officio, quo in hoc erga Nos, & hujusmodi Romanam Ecclesiam juxta solutionem faciendam, ut supra, sunt perfuncti, nullo unquam tempore ipsi, eorumve Successores jacturam, aut detrimentum sustineant, motu, scientia, & potestatis plenitudine supradictis eisdem trecentis Militibus Lauretanis sic in unum Collegium conjunctis, & aggregatis, eorumque in militum officiis hujusmodi Successoribus præter, & ultra decem millia, & quadringenta scuta annua prædicta, quæ omnino eis reservata integre debeantur, alterum perpetuum annuum redditum pariter sine ullo damno, jactura, aut diminutione proventuum Datarie nostræ de, & super eisdem compositionibus, quæ ex materiis tunc specificatis, & aliis ejus generis, nimirum patrocinandi, medendi, suscipiendi obstante aliquo defectu, seu illo non obstante, extra tempora a jure statuta, Ordines Sacros, insigniendi Clericali caractere, dandi excessivas dotes, creandi, seu imponendi census, ac aliis omnibus, & quibuscumque indultis, seu facultatibus, absolutionibus a quibusvis excessibus, ac dispensationibus non matrimonialibus, novis provisionibus,

gratias in forma, perinde, & etiam valere, derogationibus fideicommissorum, Missarum, aliorumve onerum ad minorem numerum, aut etiam Pensionum, vel censuum annuorum, ad minorem summam reductionibus, quibusvis confirmationibus, aut erectionibus, juramentorum, aut suspensionum, vel aliarum poenarum relaxationibus, seu remissionibus, commutationibus votorum, sive ultimarum voluntatum, translationibus, vel cassationibus Pensionum, aut reservationum fructuum, temporis prorogationibus, vel restitutionibus quibuscumque, & aliis similibus concessionibus ad rationem trium ducatorum pro qualibet supplicatione, ita tamen, ut si in eadem supplicatione plures hujusmodi gratiae concedantur, pro qualibet ex supradictis gratiis, solvantur tres ducati similes: Ex dispensationibus vero matrimonialibus, in quibuscumque consanguinitatis, seu affinitatis gradibus, aut cognationibus spiritualibus praeter, & ultra compositiones pro eis in ipsa Dataria solvi solitas, quae profus intactae relinquuntur, ad rationem unius tantum ducati pro unaquaque supplicatione, seu caedula etiam motu proprio signata, quasi cujusdam poenae loco a personis contra jus hujusmodi gratias petentibus exiguntur, nunquam antea Camerae nostrae Apostolicae applicatis, neque incorporatis, aut ab ea percipi solitis, quot quot illae sint, & ad quamcumque, sive parvam, sive magnam summam ascendant, etiam si rationem, & computum praedictae primae assignationis eis factae longe excedant, remanentibus tamen quibusvis aliis Datariae redditibus, provenitibus, juribus, & obventionibus, ac emolumentis ordinariis, vel extraordinariis pro eodem sic per Nos aucto Lauretanorum Militum Collegio hypothecatis per Exactorem, aut Ministrum, qui ab ipso Collegio pro tempore deputari, & ad ipsius Collegii nutum poni & amoveri debeat, a personis hujusmodi gratias impetrantibus, vel earum Procuratoribus, aut pro eis Agentibus propria auctoritate sine alicujus licentia, mandato, vel decreto exigendum, & deinde cuilibet ex trecentibus Militibus Lauretanis praedictis pro rata singulis mensibus integre, & sine aliqua retentione persolvendum perpetuo vendimus, tradimus, concedimus, & assignamus, & tam praedictis ducentis, & sexaginta, quam pro his quadraginta Militibus annuos redditus hujusmodi usque ad quamcumque summam, atque adeo compositiones ipsas ex dispensationibus, indultis, absolutioibus, & aliis gratiis praedictis pro tempore provenientes specialiter, & expresse, ita ut specialis hujusmodi hypotheca, & obligatio qualitati praedictae nequaquam deroget, nec contra, perpetuo applicamus, & appropriamus, ipsique Collegio tamquam rem propriam, & redditus, ad eorum commodum tantum specialiter inventum, neque unquam antea in alios usus converti solitum, assignamus, & incorporamus, at-

que omnes redditus praedictos insimul ad quamcumque summam ascendentes in unam massam, & in unum corpus pro universo Collegio confundimus, & simul conjungimus.

§.6. Decernentes assignationem, applicationem, appropriationem, & incorporationem hujusmodi nullo tempore, nullo modo, vel causa impediri, nec ex eo, quod per totalem, & integram reddituum, & emolumentorum hujusmodi concessionem prioris assignationis ratione habita, & facto computo aliquid lucrum ad ipsum Collegium perveniat, aut alias in controversiam revocari, aut aliquam lesionem Camerae Apostolicae attento, quod hujusmodi emolumenta, & redditus ei nunquam incorporata fuerunt, nec ad eam pervenerunt, praetendi posse, vel debere. Quinimo id totum, quod pro rata prioris assignationis ipsum Collegium lucrari inde quoquo modo potest, id ei per Nos, donatione pura, mera, & irrevocabili, ac perpetua donatum esse, & censei, ac tam ipsi Collegio Militum Lauretanorum, Exactori, seu Ministri ad exigendum, ut praefertur deputandi, quam ipsius Exactoribus, seu Ministri pro tempore deputatis redditus, & emolumenta hujusmodi exigendi, ac etiam, ut diximus sine alicujus alterius licentia, aut mandato eidem Collegio, ejusve Depositaris, seu Officialibus quidquid exegerint tradendi, & consignandi, ac personis ad id per ipsum etiam Collegium deputandis, illa postmodum pro rata singulis mensibus, seu alias inter Milites Lauretanos, aequis portionibus distribuendi, aut partem aliquam Collegio beneficam pro mercede, stipendiis, aut onorario officialium ejusdem Collegii, aut pro iis, qui Congregationibus intervenerint, concedendi, & assignandi plenam, & liberam per praesentes tribuimus facultatem.

§.7. Qui autem ex Procuratoribus, sive sollicitatoribus gratiarum hujusmodi, aut ex ipsis partibus, quantum principaliter interest, non facta, aut per dilectum filium Datarium, seu Prodatarium nostrum, vel Romani Pontificis pro tempore existentis non condonata, & remissa, sibi ex speciali gratia pro ea vice tantum hujusmodi solutiones praedictas, supplicationes, seu caedulas expedire, aut Collegium Militum Lauretanorum in emolumentis, ut dictum est assignatis, & applicatis fraudare, aut illis, sic expeditis uti quomodolibet praesumpserint, seu procuraverint, omnes, & singulas sententias, censuras, & poenas in literarum Apostolicarum salarios promulgatas, incurrant eo ipso.

§.8. Et si quid tam ipsi, quam dicti Collegii Exactores, seu Ministri ex praedictis modo aliquo fraudaverint ad interesse ipsi Collegio Militum Lauretanorum, ac ad restituendum, seu solvendum duplici ejus, quod ipsi Collegio debetur in utroque foro, ac etiam ut manifestos fures, actione furti teneantur, ac infamiae, & aliis in fures, & pe-

Claule.

Poenae contra portionem his Militibus assignatam non solventes.

Poenae contra Ministros Collegium ipsum defraudantes.

& peculatus criminis reos notorios quomodolibet insitit poenis subiaceant.

§.9. Ac insuper eadem supplicationes, seu caedulae sine dicta solutione, seu condonatione, & Exactoris, seu Ministri subscriptione pro tempore expeditae, & registratae, & gratiae in illis contentae, literaque sub plumbo, seu in forma Brevis super his confectae sint nullae, & habeantur penitus pro infectis, nullamque in judicio, vel extra illud prorsus fidem faciant, neque etiam in foro conscientiae suffragentur.

Equalis unicuique portio danda.

Supplet omnes, & quoscumque defunctos.

§.10. Et nihilominus ad abundantiore cautelam universo, & trecentorum Militum Collegio praedicto omnia, & singula alia, redditus, proventus, & emolumenta ejusdem Datariae quaecumque sint, specialiter, & expresse obligamus, & hypothecamus; Volumusque, quod ultimodicta incerta emolumenta, eidem Collegio, ut praefertur assignata aliis decem millibus, & quadringentis scutis praedictis adjuncta, & ut praefertur simul cum illis in unam summam, & massam congesta, confusa, & in unum corpus redacta a Calend. mensis Januarii proxime futuri, tam pro ipsis quadraginta novis, quam ceteris ducentis, & sexaginta prioribus Militibus, eodem modo, ac si aequaliter, consilio, & assensu in Consistorio nostro emanaverint, vel quod alienationes, & concessiones reddituum hujusmodi cum solemnitatibus debitis juxta Constitutiones Apostolicas desuper editas in Camera Apostolica plus offerenti, candela accensa, & servatis aliis ad id forsitan de jure, seu alias requisitis factae non fuerint, aut alias impugnari, invalidari, aut concessionem, & applicationes ipsas etiam sub praetextu lesionis rescindi, aut annullari non posse, nec debere, sed illas perpetuo validas, & efficaces fore, suosque plenarios effectus sortiri, & ipsis Militibus nunc, & pro tempore existentibus suffragari debere in omnibus, & per omnia perinde ac si de ipsorum fratrum unanimi consilio, & assensu observatis ad unguem iis omnibus, quae servanda erant in Consistorio, seu in Camera praedicta gesta fuissent; Sicque tam in his, quam in omnibus, & quibuscumque aliis in praesentibus nostris literis contentis, aut alias superius expressis per modernos, & pro tempore existentes ejusdem Curiae Camerarium, & dictae Camerae Clericos, etiam Praesidentes, ac alios quoscumque Judices, & Commissarios, etiam causarum Palatii Apostolici Auditores, & praedictae Romanae Ecclesiae Cardinales in quibuscumque causis super praemissis, vel eorum aliquo pro tempore motis judicari, & definiti, ac sententiarum debere, sublata eis, & eorum singulis quavis aliter iudicandi, auctoritate, & facultate, nec non irritum, & inane quidquid secus super his, vel eorum aliquo per eos, & alios quoscumque quavis auctoritate, etiam per Nos, & Successores nostros praedictos scienter, vel ignoranter contigerit attentari, pariter decernimus, & declaramus.

Exequutores praesenti Con.

§.11. Eidemque Camerario, Praesiden-

tibus, & Clericis nunc, & pro tempore existentibus, ac omnibus, & singulis aliis, ad quos id quomodolibet spectat, & spectabit pro tempore, ut summam integram praefatorum centum quinquaginta sex millium scutorum hujusmodi ad ordinarium introitum dictae Camerae ponant, & describant, scripturasque necessarias, & opportunas, ac obligationes desuper conficiant, contractumque per Nos sic celebratum, ac bonam fidem nostram recognoscetes, & sequentes faciant eisdem omnibus trecentis Militibus super praemissis, & eorum inviolabili observatione quodcumque publicum Instrumentum obligationum bonorum Romanae Ecclesiae, & Camerae praedictarum ad ipsorum Lauretanorum Militum requisitionem, prout etiam Nos facimus per praesentes, & in aliquem ex dictis eventibus abique alterius declarationis, seu mandati expectatione de praemissis debitam, & integram eis satisfactionem impendant, praecipimus, & mandamus.

§.12. Volumusque quod generalis causarum Curiae Camerae Apostolicae praedictae Auditor, ac universi, & singuli alii moderni, & pro tempore existentes Archiepiscopi, Episcopi, Abbates, Priores, & alii in dignitate Ecclesiastica constituti in dicta Curia, & extra eam residentes, ac per Collegium Militum Lauretanorum hujusmodi eligendi, & eorum singuli per se, vel alium, seu alios auctoritate nostra dictis Militibus in praemissis efficacis assistant praesidio defensionis, faciantque eos, & eorum singulos, eorumque filios, & translatarios quoties pro ipsorum parte super hoc fuerint requisiti, omnibus, & singulis praedictis pacifice frui, & gaudere. Non permittentes eos per quoscumque desuper quomodolibet indebite molestari, inquietari, aut impediri. Contradictores quoslibet, & rebelles, cujuscumque status, gradus, ordinis dignitatis, vel praeminentiae fuerint, per easdem censuras Ecclesiasticas, & pecuniarias poenas, aliaque juris, & facti, quaevis opportuna remedia omni appellatione postposita compescendo.

§.13. Non obstantibus Lateranen. Concilii novissime celebrati, super bonis Ecclesiae Romanae, & Sedis earumdem nunquam, aut nisi ex certis tunc expressis causis, & sub modo, & forma in eis traditis alienandis, ac etiam san. mc. Symmachi Non liceat Papa, & Innocentii Papae III. Volentes incipientibus, ac Pauli II., nec non Pii III., ac Gregorii XIII., & ejusdem Pii IV. etiam super residentia Praelatorum, & aliorum Beneficia Ecclesiastica obtinentium, & super gratiis interesse Camerae concernentibus, ut praefertur, in eadem Camera registrandis, & aliorum Summorum Pontificum Praedecessorum nostrorum, aliisque nostris, & Cancellariae hujusmodi pro tempore editis generalibus, & specialibus Constitutionibus, & Ordinationibus, necnon in Conciliis Generalibus, Provincialibus, aut Synodalibus editis, etiam hujusmodi gratias, dispensationes, &

Situationis deputat Camerae Apostolicae Praesides.

Omnesque alios, qui a Militibus fuerint requisiti.

Decoretur contrariis.

In-

Indulta conjugatis, Laicis, aut Bigamis concedi, aut concessa, illis suffragari, aut concessis uti expresse prohibentibus, privilegiis quoque, Indultis, & literis Apostolicis quibusvis Sedis, & Camerae hujusmodi Officialium Collegiis, eorumque personis per Nos, aut quoscumque Praedecessores nostros, etiam in vim contractus, etiam motu, & scientia similibus, ac cum quibusvis etiam derogationum derogatoriis, aliisque fortioribus, efficacioribus, & insolitis clausulis irritantibusque, & aliis declarationibus, & decretis, etiam talibus, quod illis nullatenus, vel nisi de eorum, quorum interest, expresso consensu, & dictorum Fratrum nostrorum consilio, etiam confistorialiter habito, aliisque modis, & formis ibi traditis usquequaque servatis derogari possit, etiam si inter alia caveatur expresse, quod si eis derogari contingat, derogatio hujusmodi non valeat, nisi talis intentio derogandi aliquibus personis tunc expressis per diversas in forma Brevis literas, cum intervallo unius mensis, seu alterius temporis, eis presentata prius, & intimata, & insinuat fuerint, nec non dictis Clericis, & Presidentibus Camerae, & Fisco nostro concessis, & concedendis, ac legibus Imperialibus, quibus cavetur in alienatione bonorum Fiscalium certam exquisitam formam cum intervallo temporis, & candela accensa servandam fore, alias contractus sint nulli, & invalidi, & recipiens ad restitutionem una cum fructibus teneatur. Quibus omnibus illorum tenores praesentibus pro sufficienter expressis, & insertis habentes, illis alias in suo robore permanentibus, hac vice, & ad effectum omnium praemissorum, harum serie, specialiter, & expresse derogamus, ceterisque contrariis quibuscumque.

Præsentium faciendâ publicatio.

§.14. Ut autem praesentes literae ad notitiam omnium deducantur, ac per omnes inviolabiliter debeant observari, volumus, quod illae in Cancellaria Apostolica, & audientia literarum contradistarum nostrarum, & in Acie Campi Florae affigantur, & publicentur, ut eos, quos ipsae literae concernunt, seu concernere poterunt, quomodolibet in futurum, etiam si ad illorum notitiam non pervenerint, vel illas ignoraverint, perinde ardeant, ac si personaliter eis intimata forent, nullamque possit quicquam excusationem praetendere, vel ignorantiam allegare.

Transumptis praesentium faciendâ.

§.15. Et quia difficile forsitan foret eorundem praesentium literarum notitiam ad quascumque personas pervenire, & ubique illas praesentare, eadem auctoritate Apostolica volumus, & decernimus, quod transumptis &c.

Dat. die 1. Nov. 1588. An.IV.

Nulli ergo &c. Si quis autem &c. Datum Romae apud Sanctum Petrum, Anno Incarnationis Dominicae millesimo, quingentesimo, octuagesimo octavo Kalendis Nov. Pont. nostri Anno IV. (a)

(a) Hoc anno die 3. Novembris Sixtus PP. V. Constitutione, quae incipit. Pro nostra perpetua charitate &c. Carthusianis Privilegia a Praedecessoribus Pontificibus concessa confirmavit.

Sequuntur nomina quadraginta Militum Lauretanorum noviter adjuutorum.

XXXV.

Indulgetur Militiae de Montesia Militibus pro tempore existentibus, ut Matrimonium juxta literas Pauli III. contrahere valeant.

Ex Regest. in Secr. Brev.

SIXTUS PAPA QUINTUS

Ad perpetuam rei memoriam.

Romanum decet Pontificem, cui divina Majestas militantis Ecclesiae regimen commisit, ita cunctarum Ecclesiasticae ordinis personarum curam gerere, ut etiam militias, quae sub Regula approbata alicujus Ordinis ad fidei Catholicae defensionem, & exaltationem, ejusque hostium depreffionem canonice institutae sunt, praecipuis favoribus prosequatur, & ipsorum militum conscientiae tranquillitati opportune consulat, prout Catholicorum Regum pia vota postulant, ac locorum, & temporum ratione habita in Domino conspicit salubriter expedire.

Sedis Apostolicae de Regularibus Militibus cura.

§.1. Cum itaque sicuti exponi Nobis nuper fecit charissimus in Christo filius noster Philippus Hispaniarum Rex Catholicus militiae de Montesia Magister alias fel. rec. Joannes Papa XXII. Praedecessor noster tunc existentis Regis Aragonum precibus inclinatus, in Castro de Montesia Valentinae Diocesis Monasterium de novo construi, & in eo ad defensionem Regni Valentiae ab incurfibus Infidelium, qui tunc Regno infecti erant, Fratres milites Ordinis Calatraven. introduci debere ordinaverit, & nonnullis bonis ei applicatis voluerit Magistrum, & Fratres ipsius Monasterii omnibus, & singulis privilegiis, immunitatibus, & libertatibus gaudere, quae Magistro, & Fratribus ejusdem Ordinis Calatraven. in Regno Castellae degentibus erant ab Apostolica Sede concessa, dictumque Monasterium de Montesia, illiusque Magistrum, & Fratres visitationi, & correctioni Magistri, & fratrum Ordinis Calatraven. in praedicto Regno Castellae instituti sub certis modo, & forma tunc expressis subjecerit, nec non hujusmodi institutio tam dicti Monasterii, quam aliorum ab eo dependentium regularium locorum aggregatione in Regno Valentiae feliciter in dies aucta, & a diversis Praedecessoribus nostris saepius approbata, & privilegiis decorata fuerit, itaut inter alios fe. recor. Leo Papa X. indulserit ipsis tunc, & pro tempore existentibus Magistro, & Fratribus Monasterii de Montesia praedicti, & ab eo dependentibus Domibus, & membris, quod omnibus, & singulis privilegiis, immunitatibus, exemptionibus, libertatibus, & gratis militiae de Calatrava in Regno Castellae existenti in genere concessis, & concedendis uti, potiri, & gaudere libere, & licite valerent, tandem re. me. Paulus Papa III. etiam noster Praedecessor, ut eo liben-

Militiam de Calatrava a Joanne XXII. instituta in Monasterio Montesia pro Regno Valentiae.

Eidem a Leone X. communicata Privilegia Militiae de Calatrava Regni Castellae.

A Paulo III. statutum ut liben-

Milites de Calatrava castitatem conjugalem adinstar Militiae S. Jacobi de Spata.

Permissumque ut matrimonium contraherent.

Hinc Milites Montesia in Monasterio du biturunt, an ipsi possent matrimonium jungi.

Hoc eis licere declarat Sixtus.

libentius plures ingnes viri habitum regularem militiae de Calatrava praedictum in Regno Castellae, & Legionis susciperent, ac ipsius militiae propagationi, & bono regimini, ejusque militum conscientiae securitati amplius consulere, per suas literas inter cetera statuit, & ordinavit, quod tunc de cetero perpetuis futuris temporibus, nemo Frater miles, etiam Magister dictae militiae de Calatrava in Regno Castellae constitentis in professione regulari ipsius militiae emittenda, perpetuam castitatem vovere absolute teneretur, sed illius loca castitatem tantum conjugalem voverent, sicuti in militia Sancti Jacobi de Spata observatur, eisdemque Fratribus militibus, ut Matrimonia contrahere, nec non quibusvis personis alias habilibus, & idoneis, ut post matrimonia contracta, & susceptam prolem habitum suscipere, & professionem dictae militiae emittere, ac conjugalem castitatem, ut praefertur, vovere, nec non in matrimonio tam ante, quam post emissam professionem contracto permanendo, quaecumque Beneficia, Praeceptorias, officia, & dignitates ipsius militiae recipere, & retinere libere, & licite possent concessit, & indulgit, prout in eorumdem Praedecessorum literis latius continetur.

§.2. Quare cum postea dilecti filii tunc Magister, & Fratres praedicti Monasterii de Montesia in generali Capitulo congregati de anno Domini 1567. hujusmodi literas dicti Pauli Praedecessoris acceptaverint, tum quia ab initio, & a primava fundatione, & institutione cautum fuit, ut Regularibus statutis, & ordinationibus militiae de Calatrava in Regno Castellae constituta se conformarent, tum quia ipse Leo Praedecessor privilegia, & gratias concessas, & ex tunc concedendas eis, ut praefertur communicavit, unde aliqui existimantes vigore supra dictarum literarum Leonis, & Pauli Praedecessorum licere sibi matrimonium contrahere, neque amplius dicto perpetuae continentiae voto adstrictos esse, matrimonium contraxerunt, & quia a nonnullis fuit in dubium revocatum, utrum liceret ipsis Fratribus militibus de Montesia matrimonio contrahere, & hujusmodi literis Pauli Praedecessoris uti, cum in eis nulla fratrum militum de Montesia mentio habeatur, ideo idem Philippus Rex, & Magister Nobis humiliter supplicavit, ut eorumdem fratrum militum de Montesia conscientiae quieti, ac statui opportune providere de benignitate Apostolica dignaremur.

§.3. Nos itaque ejusdem Regis, & Magistri precibus inclinati, statuimus, & ordinamus, quod omnes, & quicumque Christianifideles in eadem militia de Montesia jam recepti, dummodo votum perpetuae castitatis non emiserint, & qui ex nunc imposteriorum in eadem canonice recipiantur, & illius Magistri, quique in professione regulari, quam suo tempore juxta illius statuta, & stabilimenta emisissent, & emittent, nullo modo obligatos fuisse, esse, aut fore censentur, ad castitatem, seu continentiam

perpetuam vovendam, neque ad id unquam invitari arctari, cogi, aut compelli posse, sed illius loco juxta statuta, & stabilimenta ipsius militiae Sancti Jacobi satis sit, eos conjugalem castitatem vovisse, & vovere, perinde ac si primava statuta, & stabilimenta dictae militiae de Montesia id permitterent, quodque ipsi fratres milites de Montesia Matrimonia juxta eandem Pauli Praedecessoris literas contrahere, & in his, ac in ipsa militia de Montesia permanere libere, & licite possint, & si qui fideles conjugati etiam cum sua Uxore in Matrimonio degentes, ipsam militiam de Montesia ingredi voluerint, & conjugalem castitatem juxta statuta, & stabilimenta militiae S. Jacobi supra dicta, etiam si filios ex legitima Uxore procreaverint, tamen si aliud eis canonice non obstat impedimentum, in numerum, & consortium fratrum militum de Montesia, eorumque habitum, & professionem regulares, recipi, & admitti, & in ea militia sic conjugati permanere, dictique Magistri, Praeceptores, Fratres, milites de Montesia nunc, & pro tempore existentes, etiam post matrimonia, quibuscumque privilegiis, immunitatibus, gratiis, libertatibus, praerogativis, favoribus, & Indultis eis, antequam matrimonia contrahere liceret, ratione ejusdem militiae de Montesia concessis, vel ante contracta matrimonia de jure, vel consuetudine eis competentibus, ut prius uti, potiri, & gaudere libere, & licite debuerint, & debeant, in omnibus, & per omnia, perinde ac si matrimonia nunquam contraxissent, nec non quaecumque Magistratus, munera, Praeceptorias, dignitates, officia, & Beneficia quaecumque dictae militiae de Montesia sibi alio canonice collata, aut conferenda recipere, & recepta, & obtenta, aut obtinenda retinere, Filii quoque, & haeredes ex eorum legitimo matrimonio procreati, aut procreandi, non secus ac filii praedictorum Praeceptorum, & fratrum militum S. Jacobi suis Parentibus succedere solent, pariter perpetuo succedere libere, & licite valeant in omnibus, & per omnia.

Clausula pro hujusmodi declarationis firmitate.

§.4. Praesentes vero literas de subreptionis, obreptionis, aut nullitatis vitio, intentionis nostrae, vel quovis alio defectu minime impugnari, invalidari, ad terminos juris reduci, aut in jus, vel controversiam revocari ullo modo posse, aut debere, sed illas, ac inde pro tempore sequuta quaecumque, valida perpetuo, & efficacia fore, ac perpetuam roboris firmitatem obtinere: Sicque per quoscumque Judices, & Commissarios, quavis auctoritate fungentes, etiam Palatii Apostolici causarum Auditores, & S.R.E. Cardinales, subblata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, nec non irritum, si secus super his a quocumque quavis auctoritate scienter, vel ignoranter contigerit attentari, irritum, & inane decernimus, & declaramus.

§.5. Non obstantibus praemissis, ac

Con. obstantibus derogatio.

Constitutionibus, & Ordinationibus Apostolicis, dictaque militiae de Montefia Jumento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, illiusque fundatione, & Institutione, ceterisque contrariis quibuscumque. Datum Romae apud Sanctum Petrum sub Annulo Piscatoris die 6. Decemb. 1588. Pontificatus nostri Anno IV.

Dat. die 6. Dec. 1588. An. IV.

XXXVI.

Decretum super Clausura conservanda in Monasteriis Monialium Archiepiscopatus Mediolanensis.

Venerabili Fratri Gaspari Vicecomiti Archiepiscopo Mediolanensi.

SIXTUS PAPA QUINTUS

Venerabilis Frater Salutem, & Apostolicam benedictionem.

Decretis Concilii Tridentini reservata Episcopis facultas permittendi accessum ad Monasteria.

§.1. Cum per Decreta Sacrosancti Concilii Tridentini, & plurimorum Summorum Pontificum Praedecessorum nostrorum Constitutiones custodia Clausurae Sanctimonialium, quae nullo modo facilius violari potest, quam ex mutuis conversatione, & colloquiis personarum secularium, & aliorum absque ulla legitima causa, & licentia ad eas accedentium, Venerabilibus Fratribus nostris Episcopis demandata sit, qui, ut plurimum, de personarum qualitate, & colloquiorum necessitate, ac quibus potius colloquendi, & conversandi licentiae concedenda, vel deneganda, sunt informati, ac esse debent, atque id melius etiam facere possunt ob auctoritatem, & jurisdictionem, quam, tam in personis ecclesiasticis, quam saeculares quascumque exercerent: Nosque summopere cupimus clausuram ipsam sanctimonialium, pro earum quiete, & tranquillitate, ac ad evitanda scandala, quae maxima imminent inviolabiliter, ac omni diligentia observari, & omnia, & quaecumque ad id opportuna remedia salubriter adhiberi, praesertim in Civitate tua, ubi magnus adest Monasteriorum numerus.

Cantum ne quis ad Monasteria Civitatis Mediolani accedat sine licentia Archiepiscopi.

§.2. Motu proprio, & ex certa scientia Tibi, quod nulla omnino persona, tam ecclesiastica, saecularis, vel regularis, quam laica cujuscumque generis, status, gradus, ordinis, & conditionis, sexus, & aetatis extiterit, in Civitate praefata ad Monasteria monialium quaecumque, etiam quantumcumque exempta, & jurisdictioni Regularium quorumcumque subiecta, eorumdem Monasteriorum Superioribus, & Confessoribus dumtaxat exceptis, absque tua licentia in scriptis obtinenda, non modo intra Monasteriorum septa ingredi, sed nec ad Monasteria accedere, vel cum Monialibus ipsis in colloquutionum, rotarumve locis, aut alibi colloqui, & cum

eis quovis modo conversari queat. Quoque praeter te, nullus omnino ullas, non modo ingrediendi, sed nec accedendi, & ut supra, alloquendi, & conversandi licentias, quibusvis personis, quomodolibet qualificatis, sub excommunicationis poena concedere, & dare valeat, Apostolica auctoritate, tenore praesentium concedimus, & indulgemus.

§.3. Tibique propterea, ut contra inobedientes, & rebelles quoscumque, ac contra tenorem praesentium accedentes, ingrediendes, vel colloquentes, & conversantes, ac accedendi, ingrediendi, vel colloquendi, & conversandi licentias concedentes, tam Regulares, quam Saeculares, cujuscumque status, gradus, & conditionis existant, ad excommunicationis, nec non temporales, aliasque poenas, arbitrio suo, agere, & omnibus juris, & facti remediis opportunis procedere valeas, licentiam, & facultatem, auctoritate, & tenore praedictis compartimur.

§.4. Non obstantibus praemissis, ac Constitutionibus, & Ordinationibus Apostolicis, nec non quibusvis Monasteriorum, & Ordinum praedictorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, usibus, etiam immemorabilibus, privilegiis quoque, ac exemptionibus, libertatibus, & immunitatibus, indultis, & literis Apostolicis, etiam eisdem Monasteriis, & Ordinibus, illorumque Superioribus, & personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & efficacissimis, & insolitis clausulis, irritantibusque, & aliis Decretis, etiam Motu proprio, & consistorialiter, etiam iteratis vicibus, ac alias in contrarium quomodolibet, concessis, confirmatis, & innovatis, ac concedendis, confirmandis, & innovandis, etiam in Bulla aurea, vel Mare magnum, nuncupatis, contentis, & expressis. Quibus omnibus, etiam de illis, eorumque totis tenoribus specialis, specifica, expressa, & individua, non autem per clausulas generales, idem importantes, mentio, seu quaevis alia expressio ad hoc habenda, vel alia exquisita forma servanda foret, illorum tenores, ac si de verbo ad verbum praesentibus infererentur, pro expressis habentes, latissime hac vice, specialiter, & expresse derogamus, nec non derogatum esse volumus, ceterisque contrariis quibuscumque.

Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romae apud S. Petrum, sub Annulo Piscatoris die prima Martii 1589., Pontificatus nostri Anno IV.

Contra inobedientes procedendum.

Quibuscumque non obstantibus.

Dat. die 1. Martii 1589. An. IV.

Dis-

XXXVII.

XXXVIII.

Ex Regest. in Secr. Brevis.

Dismembratio Guberniorum Civitatum, Ostiensis, & Veliternensis ab Ecclesia Ostiensis, & Veliternensi, ut distinctus ab Episcopo, & Camera Apostolicae subiectus Gubernator eisdem praeficiatur.

SIXTUS PAPA QUINTUS

Ad perpetuam rei memoriam.

Exordium.

Causae faciente dismembrationis.

EX varietate temporum, ipsa quoque humana consilia quandoque variantur.

§.1. Sane Ostiensis, & Veliternensis Ecclesiae invicem perpetuo unitis, quibus bo: me: Alexander Episcopus Ostiensis, & Veliternensis, Cardinalis Farnesius nuncupatus, dum viveret, praesidebat, per obitum ejusdem Alexandri Episcopi, & Cardinalis, qui nuper apud Sedem Apostolicam debitum naturae persolvit, apud Sedem eandem, Pastoris solutio desistit. Nos animadvertentes Gubernium Civitatum, Ostiensis, & Veliternensis eidem Alexandro Cardinali, quoad viveret, suisque forsitan in dictis Ecclesiis Praedecessoribus, similiter quoad viverent, aut quo ad eisdem Ecclesiis Ostiensis, & Veliternensis praesentem, commissum, seu alias eisdem Ecclesiis perpetuo unitum, si hoc tempore personis idoneis, & benemeritis, per nos deputandis committeretur, publica, & privatorum quieti, ac etiam Camerae Apostolicae utilitati plurimum consuleretur, propterea ab Ecclesiis Ostiensis, & Veliternensis praedictis Gubernium, & omnimodam jurisdictionem temporalem Civitatum earumdem, ad hoc, ut personis idoneis, & benemeritis per Nos, & Successores nostros in perpetuum simul, vel separatim committatur, Motu proprio, non ad alicujus super hoc Nobis desuper oblata petitionis instantiam, sed ex certa scientia nostris, ac de Apostolica potestatis plenitudine, Apostolica auctoritate, tenore praesentium perpetuo dismembramus, & separamus, unionemque hujusmodi, si qua sit, dissolvimus, ac gubernium, & jurisdictionem hujusmodi, ex nunc perpetuo dismembrata, & separata Camerae Apostolicae perpetuo etiam incorporamus, & applicamus.

Dismembratio, de qua in Rubrica.

Clausula.

Derogatio contrariorum.

Dat. die 6. Martii 1589. An. IV.

§.2. Nec non praesentes literas de subreptionis vitio, aut intentionis nostrae defectu impugnari, & invalidari nullatenus posse decernimus, & declaramus.

§.3. Non obstantibus, quatenus opus sit, nostra de non tollendo jure quaesito, aliisque Constitutionibus, & Ordinationibus Apostolicis, nec non quibuscumque concessionibus de eodem gubernio quibusvis quomodocumque factis, ceterisque contrariis quibuscumque.

Datum Romae apud S. Petrum sub Annulo Piscatoris die 6. Martii 1589., Pontificatus nostri Anno IV.

Confirmatio Pragmaticae super dote, & immoderato luxu in Civitate, & Comitatu Fulginatensi.

SIXTUS PAPA QUINTUS

Ad perpetuam rei memoriam.

§.1. GAudemus in Domino audientes circa intolerabilem constitutionem dotium, & immoderatum luxum mulierum in vestitu, & ornatu suo his temporibus irrepleverunt, per parcos, & continentes, spectataeque modestiae, ac timoratae conscientiae viros tolli penitus, & aboleri. Id quod nuper in Civitate nostra Fulginatensi provissum fuisse audivimus. Priores namque, & consilium centum virorum dictae Civitatis provide considerantes has dotes, & luxum mulierum multa incommoda, ac totalem multarum familiarum perniciem secum adferre, statuerunt, & ordinarunt, quod pro Mulieribus dictae Civitatis, sive eam incolentibus in saeculo nupturis, nemo unquam, cujusvis status, gradus, aut praesentiae existens, audeat, seu praesumat constituere, promittere, solvere, & recipere, licet mulier sit haeres, tam in pecunia numerata, quam in auro, argento, gemmis, proventibus, vestibus, & his similibus, etiam mobilibus, ac se moventibus bonis, juribus, & actionibus, dotem semel, vel pluries excedentem summam, quantitatem, & valorem mille, & ducentorum scutorum, decem Julii pro quolibet scuto computatis, & pro mulieribus comitatus, domini, & districtus ipsius Civitatis non plura, quam ducenta scuta similia: Si vero Civibus de ordine Consilii, aut Prioratus nubant, tunc, & in talem casum possit dari usque ad dictam summam mille, & ducentorum scutorum. Nec liceat contrahentibus, aut quibusvis aliis personis tertiis contravenire huic statuto, & ordinationi ullo pacto, aut consensu, etiam jurato, aut medio cujusvis dispositionis inter vivos, aut ultima voluntatis, vel prae-textu eleemosynae, doni, praesentis, pignoris, cessionis, liberationis, negotiationis, mercaturae, exercitii artis, societatis, Montis, Censui, Banchi, Officii, nec dando rem majoris pretii pro minore, quam valet, nec promittendo velle mori sine testamento, ut mulier succedat, nec causa dotandi iterum, aut pluries, nec alio modo, titulo, seu causa expressa, & non expressa, directa, vel indirecta, publica, tacita, aut occulta possit fieri fraus contra verba, & mentem hujus statuti, & ordinationis ad effectum, ut vir, aut mulier, aut alii pro eis habeant plus dicta summa, & omne id, quod cum quavis machinatione fiat, unde haec summa excedatur, tam nomine dotis, quam supradotii, sit infirmum cum juramento nullum, & invalidum ipso jure absque ulla declaratione, & per praesens.

Ex Regest. in Secr. Brevis.

Praefides Urbis Fulginatensis ad moderandum Decretum, ut libellique ornatus luxum quamdam Pragmaticam ediderunt.

Taxa Dotis pro Mulieribus Civitatis, & Comitatus constituta.

Poenae contra Transgressores.

sumptionem juris, & de jure, & quilibet contra faciens, ut praefertur, in poenam quingentorum scutorum incidat, pro terra delatori, qui erit secretus, & pro alia Gubernatori, & Praetori dictae Civitatis pro tempore existentibus, videlicet illi, qui praevenerit contra Transgressores, & altera partibus Camerae Apostolicae applicandorum, & nihilominus, soluta, vel non soluta dicta poena, omne id, quod ultra dictam poenam a quavis persona excessum fuerit, ipso facto sit, ut praefertur, applicatum. Praeterea qui constituit, & dat, seu promittit aliquo modo ultra dictam summam suo haeredi, aut successori, vel mulieri, propter quam data fuisset aliquo tempore, adveniente casu restitutionis, nequeat petere id, quod plus fuerit, & perdat omnem actionem in, & ad hoc sibi competentem, & hoc plus, ipso jure, applicetur ut supra. Ad haec quicumque contravenierit, quocumque modo, ut praefertur, adveniente casu restitutionis, perdat omnino maritus, aut suos haeres, vel successor omnem quartam partem ordinationum, & statutorum dictae Civitatis, & quodvis aliud, quod possit habere, aut pretendere ab uxore pro qualibet dispositione inter vivos, aut causa ultimae voluntatis, ita, ut omnis actio, & titulus nullus sit, quem possit habere, aut pretendere in bonis, aut hereditate uxoris, & quod omnes similes contractus, aut private scripturae desuper faciende, sint, non solum quoad quantitatem excessam, sed quoad omnia, ipso jure, nulli, & invalidi, & vigore eorum nulla executio fieri possit. Necnon prohibuerunt omnibus, & singulis Notariis, ne audeant, sive praesumant rogare se de aliquo Instrumento, quod sit contra dictam prohibitionem, nec facere scripturam incertam, aut se referentem Apocae privatae, aut alteri scripturae, aut hominis arbitrio sub poena falsi, & ducentorum scutorum pro quolibet, qui contrafaciet, ut praefertur, applicandorum, & hujusmodi contractus sint nulli, & invalidi ipso jure, & nullius fidei, ipsique Notarii intelligantur nihilominus privati in perpetuum suis officiis, & etiam notariatus. Insuper, quod nulla persona tamquam media possit intervenire, aut alias praesumat facere apocam privatam, aut esse Testis in contractu, aut apocae, quae sit contra dictam prohibitionem, sub poena ducentorum scutorum incurrendorum, & applicandorum, ut praefertur, & facti sint similiter nulli, & invalidi. Praeterea, quod similes contractus, licet non sint contra praemissa, fieri nequeant nisi a Notariis Matriculatis in Collegio Fulginatensi, qui sint obligati infra terminum decem dierum, postquam fecerint, dare in notam Prioribus pro tempore existentibus diem, annum, & nomina contrahentium, summam, quantitatem, & pacta Instrumenti, aut Apocae, & ipsi Priori teneantur notificare in primo consilio publico, quod fiet post dictam notificationem sub poena ducentorum scutorum per quemlibet Notarium, & Priorem

Notarius verum Instrumenta conferre contra formam huiusmodi.

Decretum quoque, ut Instrumenta Notaria a Notariis Matriculatis tantum fieri possint.

incurrenda, & ut praefertur, applicanda. Quod si Notarius externus, aut non matriculatus fecerit, ut praefertur, contractus hujusmodi nullus existat ut supra, & habeatur pro infesto, nec detur fides Testibus cujusvis gradus, dignitatis, aut numeri existentibus. Et ut fraus fieri non possit in dando, aut constituendo dotes, antequam nubat mulier, & postea allegando, quod cum fructibus dos crevit, declararunt, quod dos debeat aestimari, & valutari in tempore consummati matrimonii: Quodque omnis promissio, conventio, & dotatio excedens id, quod dictum est, facta cum conditione, & in eventum, quod praemissa revocarentur, aut eis derogaretur, aut possit obtineri derogatio a Superioribus, aut non observarentur, nulla sit, & facta in fraudem praesentis ordinationis. Ac pro Arredo, Capis, Cunis, & suis finimentis mulierum dictae Civitatis sit valoris dumtaxat centum scutorum similium, mulierum vero Comitatus, Domini, & Districtus viginti scutorum similium. Ad hoc, quod Mulieres non possint gerere ullius generis Vestes, Zimaras, Sottanas, nec Fariolos, aut Capottas tele aureae, aut argenteae, verae, vel falsae, simplicis, aut mixtae, nec possint uno, & eodem tempore portare plusquam unam Vestem, aut Zimaram, vel Sottanam sericeam, & in eis, & etiam in laneis, aut alterius generis, aut mixturae non possint fieri ornatus aliquis, nisi in Busto, & Manicis, & parte extrema, & ante, & ornatus, qui permittitur, non excedat summam quinque scutorum similium ad summum, ipseque ornatus, etiam si non excedat hanc summam, fieri non possit ex auro, vel argento, vero, seu ficto, nec simplici, aut mixto, nec ex aliquibus lapillis pretiosis, aut aliis gemmis, veris, seu fictis, licet sint vilissimi pretii, nec de racomo, aut smalto, & quia longior vestis in thalis quamdam videtur adferre gravitatem Mulieribus, permiserunt, ut Mulieres possint uti vestibus longioribus circa thalos, dummodo non excedant ad summum duos palmos manus: ac quod in capite non possint portare ornatum cujusvis generis excedentem summam quindecim scutorum, nec possint habere in digitis plusquam duos annulos, nec excedant summam viginti quinque scutorum, nec manilia in brachiis nisi sint aurea, & non excedant quindecim scuta, nec possint gerere in collo, aut circum humeros coronas, aut catenas, aut alia ornamenta, quae in totum excedant viginti quinque scuta, nec cingula cujusvis generis, in quibus sit aurum, vel argentum, nec margaritas, gemmas, aut lapides pretiosas veras, aut falsas, nec coronas odoratas. Quod vestes ex drappo non possint fieri, nisi ex drappis textis in dicta Civitate. Et quia damnosum esset, si non possint geri vestes jam factae ex drappo externo, quod hujusmodi vestes possint geri usque dum fuerint laevae, sed cum moderatione praedicta. Quodque omnes, & singulae mulieres in publicatione horum statutorum,

Definita quibus ornamentis &c.

Modus in Vestibus servandus.

torum, & ordinationum, hujusmodi vestes habentes debeant infra quindecim dies post dictam publicationem comportari facere ad Priores, aut alios ad id deputatos, quae a Cancellario dictae Civitatis describi debeant, & bollari, & si quae consignari facere neglexerit dicto tempore, non admittatur amplius ad assignationem, & descriptionem, & si portaverit, incurrat poenam infra scriptam: Ac, quod mulieres, quae huic reformationi contravenierint, ultra amissionem rerum, in quibus contravenierint, incidant in poenam centum scutorum pro qualibet vice, pro una delatori, qui tenebitur secretus, & alia dictae Camerae, ac reliqua partibus Gubernatori, & Praetori, videlicet illi, qui praevenerit in procedendo contra transgressores, applicandorum, & executio contra nuptas contravenientes fieri poterit etiam contra earum viros. Et pro praemissorum majori observatione praecerunt quibusvis factoribus, & quibusvis aliis artibus, ut post praesentium publicationem, nullus audeat laborare contra praemissa, sub poena trium tractuum cordae, & viginti quinque scutorum qualibet vice, qua contraventum fuerit, ut praefertur applicandorum. Nec non donum, quod sit a Compatribus, aut Commatris pueris dum baptizantur, aut sudarium, & quidve aliud, quod Commatres Compatribus, aut alia quavis persona distorum puerorum consanguineae, vel attinentes, seu non consanguineae donant, non excedat quinque Julios, & semel dumtaxat id fieri possit, videlicet tempore Baptismi, & donum, quod fieri solet tempore Nativitatis Domini Nostri Jesu Christi, aut alius anni temporibus inter Compates, & Commatres, non excedat duo scuta, id fiat dumtaxat in anno, & una vice, ac quod Priores pro tempore existentes, aut alii deputandi, quando in principio eorum Magistratus jurant coram Gubernatore, jurent specialiter de faciendis observari omnia, & singula Capitula praedicta, & illo instanti debeant similiter instare coram ipso Gubernatore, ut illa observari faciat, & habita per eos notitia, quod quomodo fuerit contraventum, debeant certiores facere de hoc Gubernatorem, & Praetorem, & continuo instare, ut procedatur contra transgressores, & cuilibet ex praemissis teneantur Priores sub poena privationis eorum Magistratus, & quinquaginta scutorum pro quolibet, & qualibet vice, ut praefertur, applicandorum. Postremo, quod omnis derogatio praesentium Capitulorum, & reformationis obtenta ad instantiam cujusvis personae, ac cujusvis conditionis, & praerogativae, pro qualibet causa necessaria, & urgentissima a quovis Superiore, etiam Motu proprio a Nobis, seu pro tempore existente Romano Pontifice sit nulla, & invalida, nisi prius bis fuerit legitime citata Communitas dictae Civitatis, cum cedula in scriptis: & in hujusmodi casu Priores pro tempore existentes, aut alii Deputati debeant congregari facere consilium, & id totum notificari sub poena Bull. Rom. Tom. V. Par. I.

Poenae in Transgressores.

De Donis inter Compates, & Commatres.

Turamentum a Prioribus praestando super observantia praesentium statutorum.

Quilibet derogatio nulla nisi prius aucta Communitate fiat.

praefata, ut praefertur applicanda. Quodque contra omnes, & singulos transgressores in omnibus, & singulis possit procedi ex officio, & per inquisitionem.

§.2. Quocirca cupientes praemissa omnia, & singula inviolabiliter observari: Motu proprio, non ad Dilectorum Filiorum Communitatis, & Hominum dictae Civitatis, aut aliorum pro eis nobis desuper oblata petitionis instantiam, sed ex certa nostra scientia, ac de Apostolica potestate plenitudine, omnia, & singula statuta, ordinationes, prohibitiones, & decreta praedicta, prout si vulgari idiomate, quo conscripta fuerunt exprimerentur, & denotarentur, laudamus, perpetuo approbamus, & confirmamus: Omnemque, & singulos tam juris, quam facti, & solemnitatum, etiam verbalium, forsan ommissarum, defectus, si qui intervenerint in eisdem, supplemus, & pro abundantiori cautela, majorique ipsorum statutorum, praecceptorum, & decretorum, aliorumque praemissorum efficacia, & observatione, etiam Nos per eadem verba, statuta, ordinationes, praeccepta, & decreta, de novo facimus, statuimus, ordinamus, praecipimus, & decernimus, atque inviolabiliter, & perpetuo observari, & executioni per illos, ad quos spectat, inconcussa demandari volumus, & jubemus.

Hujusmodi statuta confirmat Pontifex, semperque observari jubet.

§.3. Decernentes, quod his statutis, ordinationibus, praecceptis, & decretis per Nos, & Successores nostros Romanos Pontifices nunquam sufficienter derogatum esse censetur, nisi ultra duas citationes eidem Communitati faciendas, ut praefertur, in publica Signatura, proposita supplicatione cum praesentium insertionem derogatio fuerit concessa.

Omnemque derogationem nullam declarat, nisi obtineatur citata a bis Communitate.

§.4. Quodque per quoscumque Judices, & Commissarios, quavis auctoritate fungentes, etiam Caesarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate ubique iudicari, ac diffiniri debere, nec non irritum, & inane quicquid fecerit super his a quoquam, quavis auctoritate scienter, vel ignoranter contigerit attentari.

Clausula pro perpetua huius Constitutionis firmitate.

§.5. Non obstantibus quibusvis Constitutionibus, & Ordinationibus Apostolicis, ac dictae Civitatis juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque, Indultis, & Literis Apostolicis in contrarium praemissorum quomodolibet concessis, approbatis, & innovatis: Quibus omnibus eorum tenores, praesentibus, pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Derogatio contrariis.

Datum Romae apud S. Petrum, sub Annulo Piscatoris die 10. Martii 1589. Pontificatus nostri Anno IV.

Dar. die 10. Martii 1589. An. IV.